

Dantzariak jaien hasieran

Urtero bezala dantzarien saioa-
rekin hasi ziren Antzuolako jaiak.
Gaztetxoek ere parte hartu
zuten eta beren estreinako dan-
tza egin zuten herriko plazan.
Ikurrin-dantza izan zen, berriz
ere, festen motorea, meza eta
salbearen ondoren. Baina dantza
taldeaz gain, antzuolarrok beste
dantzari batzuk ikusteko aukera
izan genuen atzo. Ohi denez,
ikurrin-dantzaren ostean, udal-
batzaren saioa dator. Hau izaten
da Antzuolan ekitaldirik gustu-
koenetakoa; baina honek ere ba-
du azalpenik. Udalbatzak au-
rreskua dantzatzen du herriko
dantzarien laguntzarekin. Urtero
antzuolar dexente biltzen da he-
rriko plazaren inguruan zinego-
tziak eta alkatea dantzan ikus-
teko. Eta urtero izaten dira, nor-
mala den bezala, ikusleen barre
eta komentarioak. Atzo ere ko-
mentario dexente entzun ahal
izan ziren bertara hurbildu zire-
nen artean. Eskerrak beste ur-
teetan baino lehenago hasi zirela
entseatzeko. Baina, noski, ner-
bioek ere izaten dute eraginik.
Horri bota behar errua! Beraz,
festak umorez hasi ziren eta afa-
lostean kanpoko jendea heltzen
hasi zen.

Nahiz eta eguna herrikoen
eguna izan, bada jenderik lehe-
nengo egunetik agertzen dena.
Honetan bergararrak ditugu na-
gusi. Hauentzako, eta oro har
gaupasero guztientzako, gazte
asanbladak txokolatada presta-
tua zuen. Goizeko bostetarako
atundu zuten txokolate jana. La-
piko eder bat txokolate eskaini
behar zuten gaztetxean. Eta eda-
tea soilik ez denez oso komeni-
garria, gailetak ere banatu behar
izan zituzten joandakoen artean.

Edariak, beraz, jatekoa behar
du, eta horregatik gaur arratsal-
dean, Errioxako ardoaren festan,
txorizoa ere eskainiko da. Itur-
riotzeko Juan Antonio Lizarral-
derentzako dirua lortzea da eki-
taldi honen helburua. Orain An-
tzuolan bada ere, Brasilera



Urtero dantzariak jaietako lehen egunean izaten dute euren txanda.



Gaur goizean txistulariak Antzuolako kaleetan ibiliko dira jai giroa alaitzen.

itzultzekotan da, bertako jen-
dearekin lan egiten jarraitzeko
eta hauen bizimodua, ahal den
neurrian behintzat, hobetzen
laguntzeko.

Sei upelategitako ardoa das-
tatzeko aukera izango dute he-
rriko plazara gerturatuko diren
guztiekin. Tartean trikitilariak ari-
ko dira giroa alaitzen. Gainera,
ardo erakusketa eta salmenta
izango da, dastatutako ardoren
bat gustatuz gero, berori erosteko
aukera izateko.

* Gazteen eguna

Bada zaharrenen artean esaera
ezagun bat jaiak gazteentzako
direla dioena. Bada, honi jarrai-
tuz, gaur ospatuko da Gazteen

Urtero antzuolar
dexente biltzen da
herriko plazaren
inguruan zinegotziak
eta alkatea dantzan
ikusteko.


Eguna Antzuolan. Eguneko txo-
kolatadarekin indarrak berritu
ondoren martxak musikaz la-
gunduta jarraituko du.

Gaztetxoek kalejiran ibiltze-
ko aukera izango dute Joselu
Anaiak taldearekin. Baina herri-
ko plazan izango den kontzertu
honetan ere, senar-emazteek be-
ren gaztaroa gogoratzeko parada
izango dute.

Rocka atsegin dutenentzat ere
gazte asanbladak antolatu du
beste kontzerturik. Oraingoan
Utikan eta Piperrak izango dira
plaza gorria alaituko dutenak.
Gaztetxe osteko plaza honetan,
beraz, martxa izatea espero da bi
musika talde hauekin.

MARIJO DEOGRACIAS

OPEL



TALLERES OLA

Olabarrena Auzoa, z/g. Tfnoak: 76 33 44 / 45 / 46.
BERGARA (Gipuzkoa).

OPEL KONTZESIONARIO OFIZIALAK, HOBEAK ESPERIENTZIAGATIK